



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Maximiliani Sandaei E Societate Iesv Doctoris  
Theologi Architectvra Christiana**

**Sandaeus, Maximilianus**

**Coloniæ Agrippinæ, 1653**

Sermo IV. Nomina Architecti Christiani Exemplum Sanctorum.

[urn:nbn:de:hbz:466:1-46065](#)

AMBIGIS de Patientiæ tuæ re<sup>c</sup>titudine? arripe Perpendiculum,& accommoda. Christus cùm malediceretur, inquit Petrus Apostolus, (a) non maledicebat : cùm patetur, non comminabatur: tradebat autem iudicant se iuste. Ad hujus ergo similitudinem & imaginem, ut monet S. Ambrosius, (b) Iustus suæ vita cupiens instituta formare, accusatorem, Iesus remittit, dissimulat lacesitus, & non aperit os suum, ut nullus imitetur, qui sicut Agnus ad victimam ductus, non aperiret os suum: & cùm posset habere quod referat, magis vult silere, quam dicere: ipse enim Dominus IESVS cùm accusaretur, tacebat; & cùm percuteretur, non repercutiebat. Dubitas de æqualitate Obedientiæ? appone Perpendiculum. (c) Christus factus est obediens usque ad mortem: mortem autem Crucis. Subditus erat Deus homini: & tu te opponis legitimo magistratu. Quid refragaris terra & cinis? Vereris curvitatem studio Paupertatis Religiose? examina illam ad Perpendiculum. Vulpes foras habent, & volucres cœli nidos: Filius autem hominis non habuit ubi caput reclinaret. Luca 19. 58.

(a) 1. Petri 2. 23. (b) S. Amb. in Psal. XXXVII. (c) Ad Philip. II. 8

## S E R M O     IV.

### N O R M A

*Architecti Christiani*

EXEMPLVM SANCTORVM.

ARTI-

(a) Vit  
ni. (c) U

## ARTICVLVS I.

*Probatur ejus usus ex Sacra-Scriptura.*

**P**ERPENDICVL O haud multum absimile est instrumentum , quod vocatur NORMA, vulgo QVADRA Angulis dirigendis accommodum, ut docet Vitruvius. In Architectonicâ Christianâ, post Legem, quæ est Regula, & Exemplum Christi, quod est Perpendiculum, dirigendis actionibus studiosis deservit, tāquam Norma, Exemplum Sanctorum, qui Christi imitatione excelluerūt. Ita sentiebat Paulus Apostolus Sapiens ille Architectus, qui instruens primos Ecclesiæ Christianos, provocat ad fidem Sanctorum Veteris Testamenti, quorum propterea integrum texit catalogum , ad Hebreos xi. eorum simul virtutes alias commemorans, imitandasque proponens. Simili modo S. Petrus in medium adducit obedientiam Saræ , & justitiam Lothi. Eodem fine S. Jacobus memorat sufferentiam Jobi; & constantiam in orando Eliæ. Elias homo erat similis nobis passibilis, & oratione oravit ut non plueret super terram , & non pluit annostres, & menses sex. Et rursum oravit, & cœlum dedit pluviam, & terra dedit fructum suum. Item, obedientiam Abrahami, & bonorum operum ubertatem. Abraham paternoster nonne ex operibus justicatus est , offerens Isaac filium suum super altare?

Hvc spectat illud Senioris Tobiæ , qui uxori ob plagam cœcitatis à Deo immissam obmurmuranti, dicebat: *Fili Sanctorum sumus, & vitam illam expectamus, quam*

**DEUS**

(a) *Vitr. lib. vii.* (b) *Plin. lib. xxxvi. cap. 22.* (c) *I. Petri 3.* (d) *2. Petri 1.* (e) *Iac. 5.* (f) *Iacob. 2. 21.* (g) *Tobia 2. 17, 18,*

Deus datus est his, qui fidem suam nunquam mutant ab illis. Et istud Prophetæ consolantis se in persequitione lezabili mortem violentam intentantis, cùm peteret animæ suæ ut moreretur, diceretque, sufficit mihi, Domine, tolli animam meam, neque enim melior sum, quam patrem meum. Hac Normâ, ut utamur, monet Apostolus, Hebreos ad opus Architectonicum extimulans: Memenote Proprietatum vestrorum, qui vobis loquui sunt verbum Dei, quorundam tuentes exitum conversationis, imitamini fidem. Immò, Christus ipse hanc Normam in manus dabat adversariis suis, ut ea examinarent, quæ benè se agere existimabant. Pater noster Abraham est, dicebant. Annuebat Dominus, sed inferebat: Si filii Abrahæ estis, opera Abrahæ facite. Accipit exemplum Abrahæ veluti Normam, & angulorum dominus vestræ curvitatem corrigite, id est, operationum vestrarum pravitatem emendate.

Ob hanc causam Ecclesia Catholica dies festos hominum Sanctorum indicit, & solenniter celebrat. Verum, quamvis omnium à mundo condito Sanctorum exemplum sit Norma, quâ Fabricam & suam & aliorum explorare possit Architectus Christianus; tamen magis exactæ perfectæque Normæ rationem habet eorum Exemplum, qui in Novo Testamento, quod est gratiæ & sanctitatis, Ideam omnis perfectionis Christum Dominum moribus actionibusque suis quam proximè exprimere sunt conati. Imitatores, inquit Apostolus 1. Corint. 14. 16. mei estote sicut & ego Christi. Quem sic referebat ipse, sic ad eum alios quoque conformare tentebatur. Quare eam veræ virtutis functionem Ecclesia Doctores asserunt quæ formam habeat, similitudinemque perfectam rectitudinis ac sanctitatis Apostolorum virorumque Apostolicorum, quales quolibet seculo illi

Eccle-

(a) 3. Reg. 19, 4. (b) Ad Hebra. XIII. 7. (c) Ioann. VIII.

Ecclesia Catholica fuerunt non pauci. Ad quorum imitationem dum nos hortatur Ecclesia, docet ipsorum Exemplum nostræ vitæ Normam esse. Utinam ille quotidie actionibus nostris accommodemus. Præclara est ista S. Augustini ad hanc rem commonitio. Serm. 47. de Sanct. Quotiescumque, fratres carissimi, Sanctorū Martyrum solennia celebramus, ita, ipsis intercedentibus, expectemus a Domino consequi temporalia beneficia, ut ipsos Martyres imitando, accipere mereamur æterna. Ab eis Sanctorum Martyrum in veritate festiva gaudia celebrantur, qui ipsorum Martyrum Exempla sequuntur. Solemnitates enim Martyrum, exhortationes Martyrum sunt, ut imitari non plegeat, quod celebrare delectat. Sed nos volumus gaudere cum Sanctis, & tribulationes Mundi nolumus sustinere cum illis. Qui enim Sanctos Martyres, vel in quantum potuerit, noluerit imitari, ad eorum beatitudinem non poterit pervenire.

## ARTICULUS II.

## EXEMPLUM MAIORUM

Bene credentium & operantium, veluti Norma, deprehenditur obliquitas Fabricæ Spiritualis.

Hinc apparet, quanta sit hujus Normæ necessitas & utilitas qua applicata Majores nostri, Viri orthodoxi, & singulari Sapientia præditi explorarunt, demonstraruntque in multorum fabricis inæqualitates proclinationes, & alia vitia haud minima, quæ auctores ipsos, homines cetera summos, latebant. Hac apposita Norma condemnarunt nonnunquam iidem erroris sententias, à multis receptas, & judicatas verissimas, rejecerunt instituta, & mores ab aliis approbatos, habuerunt tanquam

quam scelera, quæ putabantur facinora heroica, quæ probitatis & perfectionis Christianæ specimen præferebant. Ut Origenis Adamantii, ex castitatis amore inconsiderato, præcipitem corporis castrationem: Eusebii Pontici passionum, & sensuum cohibitionem ualem, quæ non differet à Stoicorum ~~anachoreta~~: Priscilianistarum immoderatam abstinentiam: Novatianorum immodicam, puritatis prætextu, severitatem: Pauperum Lugdunensium intolerandam rerum omnium abdicationem; & istiusmodi alia multa, quæ quamquam virtutis speciem haberent; tamen quia longè aberant ab antiqua Apostolicaque Sanctitate non habere rectitudinem debitam Ædificio spirituali virtutum est animadversum, & à peritissimis Ecclesiæ Architectis judicatum.

HANC dñnnique Normam, quæ est Patrum antiquorum Exemplum, adhibet Ecclesia, ad novarum doctrinarum rectitudinem investigandam, ad nova vivenda Instituta examinanda, novos Ecclesiasticorum more contemplativorum afflatus, visa, revelationes fœminis ut spargitur, factas, probandas vel improbandas. Si quidem existimat, se tunc demum ab omni superstitione, errore, dolo, falsitateque liberam fore, ac tutam, post Regulam Legis divinæ, & Perpendiculum, quo est Exemplum Christi Domini, admoveat Norman exemplarem à Majoribus acceptam, cuius auctorem fuisse ipsam increatam, & incarnatam Sapientiam Architectricem non ambigit.

(o)

SERMO